

գեղ էր շինած, հայ սաֆի: Կացաք անդ իրեք
օր:

Եւ անտի եկաք ԻԶՄԻՏ: Եւ սա մեծ²⁶⁵
սկելէ էր. եւ պէնտէր քաղաք եւ շէն: Կայր
ի նմա երկու էրէց եւ հարիւր ութսուն տուն
հայի: Կացաք անդ ամիս մի. եւ եկաք կրկին
դարձեալ ի Ստամպոլ: Եւ հանդիպեցաք ի
վերայ ծովու ատա մի, որ պիղծն Վաղէս ար-²⁷⁰
կեալ զուրբն Ներսէս ի ծովն. բայց ի նա ոչ
եկաք: Եւ կային Հայք ի այլ կղզիս:

Եւ կեցաք ի Ստամպոլ իրեք ամիս: Վար-
դապետն գնաց յայլ տեղ, զի իւր երկիրն եւ
Մշու օլանն Խըղլպաշն աւիրել էր, եւ զմար-²⁷⁵
դիկս գերի տարել: Վասն որոյ երկեսայ գնալ
յայն կողմն: Եւ մնացեալ ժամանակս ինչ ի
Ստամպոլ արտում եւ լի սգով՝ սպասէի Աս-
տուծոյ իմոյ՝ աին ունելով միսիթարութեան,
մինչեւ այց արասցէ ինձ Տէր եւ հասուցէ²⁸⁰
զիս փափազանացս:

5. ՈՒՂԵԳՆԱՏՈՒԹԻՒՆ Ի Կ. ՊՈԼՍՈՅ Ի ՎԵՆԵՏԻԿ

Ապա զմտաւ ածի եւ ասեմ. մինչ խաղա-
դանայ երկիրն Մշու, ես երթայց սուրբ գե-
րեզմանն առաքելոց Պետրոսի եւ Պօղոսի: Եւ
մինչ այն խորհրդեան էի, ապէնիազն Աս-
տուած, որ տայ ամենայնի առատապէս ըստ⁵

270 յատկեալ: — 274 յերկիրն: — 275 յօլան | էր |
էլ: — 276 երկայ: